

lis Gnovies

■ **BUIE.** Condanât l'om che al jere "evadût" par puartâ il gjat dal veterinari

Si visaiso di chel om che par no fâ patî il so gjatut malât, cundut che al fos ristret ai domiciliars, al jere jessût di cjase par puartâlu li dal veterinari? Al veve anje visât i Carabinieri, che lu vevin spietât fûr dal studi dal midi dai animai, e a lôr ur veve consegnât un certificât di eutanasi firmât dal midi. Ma al à scugnût sostignî un procès, cu la acuse di evasion. La "evasion" i è costade cjare, parcè che al è stât condanât ae pene di 5 mêis e 10 zornadis di reclusion, o a 2.400 euros di multe. E si trate di doi mêis di plui di chel che il so difensôr al veve concludât cul public ministeri. E la attenuante par motifs di particulâr valôr morâl e sociâl? Nuie ce fâ, al à dit l'avocat; cundut des spiegazions dadas dal so assistût, e la testimonianca dai Carabinieri, il giudic nol à ritignût che a esistessin i recuisits "ogjetifs" di particulâr valôr sociâl e morâl.

■ **VAL DI SOFUMBERC.** Fieste di San Pieri cun cjaminade vuide

In ocasion dal patron San Pieri a Val di Sofumberc, in comun di Faedis, la Pro Loco – che e je la plui pigule di dite Italie – domenie ai 7 di Lui e inmanee une zornade di fieste adun cu la cjaminade "Monti e Borghi" ("Monts e Bors") vuide di une botaniche esperte; l'event al è promovût intun cul Comun di Faedis, cul Consorzi Pro Loco Torre e Natisona e in colaborazion cu la parochie di Faedis e di Cjampe. Si cjatisi aes 8.30 di buinore te place a Val cun Rita Zamarian, scritore e naturaliste che e farà scuvierzi il mont misteriôs de flore dal Sofumberc, si larà dilunc dai trois de Mont San Laurinç fin li dal borc di Reant di dulà che, dopo una polse par cerçâ i savôrs dal puest, si tornarà te plaçute dal borc, li che al sarà viert un barachin. A misdi, in graciis de colaborazion cu la Parochie di Faedis e di Cjampe, e sarà celebrade la Sante Messe, po e sarà la tradizional procession (par vê plui informazions: 342 6229259, 338 4620388, 328 1552046).

■ **TRIEST.** Pai canâi de "Litoranea Veneta" si pues rivâ fin a Vignesie



Si podarà di gnûf tornâ a navigâ – almancul chei che a àn une barcjute – par canâi, partint di Triest e rivant a Vignesie. Di fat, daspò cualchi an, e je stade ripristinade la navigabilitât di chei canâi vie la "Litoranea Veneta", che e met adun la nestre region cul Venet. Cussì, in barcjè, si podarà percorri i canâi navigabii che ancjemò vuê a metin in contat Triest cun Vignesie: un percors di vere bielece naturalistiche, oltri che di grant incei gastronomic, par vie dai tancj locâi che si spiellin ta chês aghis. Par meti a puest chel percors a son coventâts doi agns pai intervencions di adeguament de sigurece idrauliche de Concje di Bevaçane e cumò chei che a àn une barcjè di cjase a Lignan, Maran e Grau a podaran navigâ fin a Cjauril propit su la "Litoranea Veneta", sperant che i tamoni no vedin di sfuarçâ masse i lôr motôrs.

Miercus 3	S. Tomâs a.	Domenie 7 XIV Domenie vie pal an	
Joibe 4	S. Liodôr di Aquilee	Lunis 8	S. Adrian III pape
Vinars 5	S. Antoni Zacarie	Martars 9	S. te Veroniche m.
Sabide 6	S. te Marie Goretti	Il timp	Cjalt e cualchi ploie



Il soreli
Ai 3 al jeve aes 5. 21
e al va a mont aes 21.01.



La lune
Ai 6 Lune plene.

Il proverbi
Il miôr cussin
e je la cussience nete.
Lis voris dal mès
Se il soreli al è masse fuart, taponait
il teren cun sacs di tele.

Il cidin di Pauli Diacun su la fin dai Langobarts

Si à di ritignî che cheste
e sedi stade propit
une siele dal autôr

A e fin dal Setim secul, tancj oms di grande culture a vioderin disparî, a bonât, la civiltât antiche, sdrumade des vueris, des epidemias e des cjaristiis che ur lavin daùr, assistint, cence podê fâ nuie, ai ultins sbrocs di une ete che e murive, cence lassâ nancje sperancis par une gnove. E propit intal timp di Carli il Grant, cuant che la Glesie e jere rivade a une grande potence, il savint munc sasson Alcuin al scriveve viers di grande avilizion, come se al presintis che dut chel che il re dai Francs al veve creât, al ves di finî par simpri: "La bieleece dal mont e scjampe vie, dut al mude di bot, ogni robe lant daùr a une sò leç. Nuie al è eterni, nuie al è imutabil. Ma parcè nô misars ti volino ben, o mont, tu che tu nus scjampis des mans? Tu tu scjampis, dispietât, parie cul timp". E no tancj agns prime anje un pape, Grivôr il Grant, tes sôs letaris e tes sôs omeliis, al presintive la fin dal mont, come consequence de vicine conquiste langobarde.

Di fat, chel presintiment al jere peât ae vignude di chel popul, contade di un frari che Alcuin al cognosseve ben: il diacon cidin Pauli di Warnefrit, che par un pôc di timp i veve fat compagne e splendide cort carolingie, daspò de sconfite dai Langobarts par man dal re franc. Pauli, che al scrif la sò "Historia Langobardorum" daspò di chês sconfite, nol conte però la



Pauli Diacun intun codiç de Biblioteche medicee laurinziane

Pauli, che al scrif la sò "Historia Langobardorum" daspò di chês sconfite, nol conte però la

disfate dal so popul. Forsit, l'amî Alcuin, il famôs erudit de cort dal re Carli, al cognosseve il parcè che l'amî di tantis aventuris leterariis si jere fermât, te sò storie, prime de disfate par man dal re che ducj i doi a vevin praticât. Ma su chest, Alcuin al tês. Di fat, la storie e finis contant la muart e lis virtûts dal pietôs re Liutprant. E a chest proposit, buine part dai storics a scrupulin che, se la "Historia" e je rivade fin a nô

cence i ultins trente agns de dominazion langobarde, si à di ritignî che cheste e sedi stade propit une siele dal autôr. E, a zontin, che la "Historia Langobardorum", diferent di une altre storie di Pauli, la "Historia Romana", e mancje de epistule tant che prefazion, che e vignive zontade dome cuant che la opare e jere finide.

E pûr, tai trente agns che a manjin ae storie, a jerin sucedûts une vore di fats, e tancj propit a dam dai Langobarts. Magari al jere stât chel che al jere sucedût al pietôs re Ratchis - a strentis tra il partît langobart che al reclamave une vuere cuntri dai Bizantins e il papât che no le voleve - che al veve bandonade la corone di re par jentrâ intun convent, a fâ çjapâ a Pauli la decision di no puartâ ae fin la storie dal so popul. Parcè che anje lui si jere cjatât te smuarse tra la sò origin langobarde, che lu sburtave a sostignî la politiche espansionistiche dai Langobarts, e la sò cundizion di diacon e di munc, che no i permeteve altre vision dal mont che chês papâl. E fuart al veve di sei il marum che al provave par vie che la sconfite patide dal so popul - il cidin di pauli diacun su la fin dai langobartsdomandade a gran vòs propit dal pape - e fos rivade par man di chel re che i veve dàt acet te sò cort. Cussì Pauli al decidè di deponi il penâl e di no contâ di chei agns par lui cussì dolorôs. E cun chest at si sierave, adun cul drame storic che al veve colpît il so popul, anje chel esistenzial di Pauli. La rinunzie a concludi chês storie a 'ndi fo il necessari compliment.

Roberto Iacovissi

Parc Zoo di Lignan. I marsupiâi plui grancj dal mont in Friûl-Vignesie Julie A son rivâts i cangûrs ros Gimbo e Fiona

Gimbo e Fiona a son i gnûfs rivâts tal Parc Zoo Punta Verde di Lignan: doi cangûrs ros, i marsupiâi plui grancj dal planet originaris de Australia. Une specie inmagante e curiose: il pumar, cuant che al nas, al è une vore piçul, vuarp e cence pêi e par rivâ tal marsupi al va daùr de sdrasse che la mari e fâs cu la salive. Il zovin cangûr al devente independent cuant che al à cirche un an e di grant al pues toçjâ une velocitât di 60 chilometri. Tal câs di pericol, i cangûrs a batin par tiere cu lis çatis sul daùr in maniere che il segnâl di alarme si difondi in lontanance. I masclis, tal periodi de riproduzion, a competin tra di lôr a voltis dantsi jù un cul altri cu lis çatis devant e dant rips cun chês daùr. Par intant a son simpri cetantis e appassionati lis iniziattivis inmaneadis dentry

tal Parc par cognossi miôr lis tantis speciis di animai che si cjatin culi: tacant des attivitâts a tu a tu cu lis bestiis che a fasin devintâ speciâl la esperience tal Zoo e che a judin a protezi la nature. Duncje, la pussibilitât di lâ dongje di lemurs, zirafis, ma anje des copassis des Seychelles e dal bradip Fips, cetant preseât. Par amirâ anje i animai che a stan ben vie pe gnot, a van indevant lis "Spazzadis tal scuri", che la struture di Lignan e propon ai visitadôrs par rimirâ e par scuvierzi, in trançulitât e in plen cidinôr, lis speciis plui inmagantis come i leopards des nêfs, i pumis, lis linçs, i panda ros e tancj altris abitanti de foreste. Il prossim apontament al è in calendari par joibe ai 4 di Lui (duti lis informazions si puedin cjatâ sul sit uficiâl www.parczoozoo-puntaverde.it). Cun di plui, ogni di i vuarians dal Parc a contin une vore di curiositâts su lis bestiis de struture (la iniziative e je a gratis).



«Duti lis attivitâts metudis in vore a àn chês di dâsi di fâ par protezi la nature e lis bestiis - e dis la direttore dal Zoo, Maria Rodeano -; midiant di une organizazion no profit la cuote di partecipazion aes variis iniziattivis e ven, di fat, dal dut indireçade a projets di ricerçe e di tutele, dant une man a pro de conservazion in nature di tantis speciis menaçadis di estinzion».